











hologije die 26 ONEST 2018

LES

MAGNIFICENCES

faites en la ville de Bourdeaux à l'entree du Roy le Mecredy 7. de ce moys



A PARIS

De l'Imprimerie d'Anthoine du Brueil, entre le Pont S. Michel & la rue de la Harpe, à l'Estoille couronnee.

M. DC. XV.



LES MAGNIFICENCES FAI-

ctes en la ville de Bourdedux à l'entree du Roy le Mecre dy 7. de ce Moys.

> Adis au pays de Perle les suiechs ne receu siét lamais plus d'heur & de contentement qu'aux jours esquels

ils estoient assenrez de receuoir la Maiesté de leur Prince & legitime

Monarque -

Ainsi le grand Sesostris Roy d'Egypte retournant de la conqueste d'Asse sur receu & acuesty des siens fort magnifiquement en la cité de Thebes la superbesainsi le sour que Romulus sit son entrée a some le peuple prit de là suiet d'une aussi grande ressouyssance que si quelque nouuelle Monarchie eust esté annexée à leur puissant Empire.

La France qui triomphe en esperance des effetz des armes de son Roy, par tout où est receüe sa royale personne se paredeses pompes & faict des seux de ioye erige des colomnes d'honneur & de gloire inmortelle es jours de son entree, ainsi que firent anciennement les Alexandrins es iours du triomphe d'Alexandre, en ses Royalles citez qui sont comme autant de proiects des conquestes, trophees & victoires, qu'el. le se promet receuoir dans les anncés dorces du regne de son Prince: Elle voit desia&recognoistassez par son inclination naturelle, qui ne se plaist qu'aux actions vertueu-

ses, que les promesses de sa naissance commançent heureusement à reüssir & scait en verité qu'il sera vn Cæsar, qui ayant releué le courage des siens, qui n'osent au danger de leurs personnes, se sier à l'experience, arriuera au chef de ses intentios au repos de ses peuples, à la confusion desastreuse de ses ennemis: Car ceste grande Maiesté, qui resueille les inuentions non des desarchimedes mais desarchimaistres, se verra par l'heureuse prediction de sa naissance, accomplir ses desseins à l'augmentation de ses Estats, a l'aduantage de ses suiets & au contentement general de tous & chacuns de ses ennemis & alliez que vont de cœur & de bouche benissant ce beau nom de Lovys, nom fatalement heureux à la Frace qui autrefois à seruy d'effroy a

seş ennemis: ic fais alte sur cecy par ce que ma langue, ny ma plume ne peuventassez dignement exprimer les propheties de son royal horoscope, ny voller si haut que la renommee de sa Maieste, laquelle n'aura point à regret, que le face l'ire aux estrangers & a ses bons suiets ce que Bourdeaux preparée à son entrée, auec la rejouyssance. des peuples de Guyenne, par le bo heur de sa presence: affin que si tous ont l'honneur, d'en ouyr raconter les merueilles, ils ayent quant & quant ceste faueur, de participer à les ioyes.

Les habitans de la ville de Bourdeaux Capitalle de Guyenne aduertis de l'arriuée du Roy en sa ville d'Angoulesme, comme aussi despreparatifs faicts & preparez pour y receuoir sa Maiesté, se resoulurét

depenser aux honneurs qu'ils des uroient rendre à saditte Maiesté qui deuoit arriuer en ladicte ville de Bourdeaux peu de loursapres, de sorte qu'ayans sur ce pris deliberation, & donnéaduis aux Bourgeois de la ville de se preparer a la reception, set indrent prests pour le reçeuoir magnifiquement auec la Royne sa mere, les Princes & autres seigneurs de sa suitte Royalle le Mecredy septiesme du present mois d'Octobre.

'Si firent ils mettre & poser au dessus de la porte principalle par laquelle sadicte Maiesté deuoit entrer, les armoiries de leurs Maiestez auec les deuises ordinaires, & aumylieu des deux vn Tableau dans lequel estoient representez vn Aigleaux aisses estendues soustenans deux couronnes qui estoient la

Courone de France & celle de Castille ioints par le benefice des alliances de France,& d'Espagne, qui vouloit signifier l'vnion de la Frace auec l'illustre & genereuse maisó d'Autriche qui porte maintenant pour deuise & blason vn Aigle, en signe & representation de ce qu'elle à este depuis cent cinquante ans en ça honorée du sceptre & de la couronne de l'Empire Romain, iusques à present: & au dessus des susdictes Couronnes estoit representé vn ciel qui versoit profusemét sur les aisles de cet Aigle vne heureuse & celeste influence, voulant fignifier que par l'vnion de ces deux grandes Couronnes le Ciel promettoit a la Chrestienté toutes sortes d'heurs, de gloires & prosperitez, au iour de ceste celebre & magnifique entree qui fut le Mecredy credy 7. dudict mois d'Octobre, les habitans se preparerent pour receuoir leur Roy auec toute sorte de debuoir, offices, & preparatifs.

Et enuiron sur le midy sortirent cinq cens hommes de la ville richement vestus & armez à l'aduantage, qui allerent au deuant de sa dicte Maiesté plus d'vne grade lieue loing, laquelle finallement ils rencontrerent, & après que Messieurs les Maires, & Escheuins de la ville luy eurent fait les complimens ordinaires & necessaires, ils retourne rent visage vers la ville, en laquelle ils entrerent magnifiquement en ceste sorte & maniere.

Premierement retournerent quatre à quatre les habitans armez, auec leurs Capitaines, Lieutenans enseignes, & sergens.

Puis le corps des Messieurs de la

ville accompagnans Messieurs du Parlement, qu'ils rencontrerent à la porte auec le Clergé, & Messieurs de l'vniuersité, qui attendat sa dicte Maiesté hors des portes luy sirent les harangues ordinaires & accoustumees de faire en telles popes & royalles Ceremonies.

A son arriuee surent tirees douze grosses pieces d'artilleries qui
furent comme vn signal & vne
marque grande & assuree, de la reiouyssance publique des citoyens,
ce qui pleust tellement aux yeux de
leurs Maiestez, qu'ils protesterent
des lors aus dicts habitas auoir pour
agreable leur bonne affection, promettant en auoir memoire & souuenance à l'aduehir.

Sa Maiesté entra montee sur vn petit Cheual blanc ayant à l'entour d'elle ses escuyers & vallets de pied de sa suitte ordinaire: au deuát d'elle marchoit sa compagnie de cheuaux legers armez & cuirassez, portans tous la plume & l'escharpe blanche, puis ses suisses & archers, & vne grosse troupe de Seigneurs, & gentil-hommes de sa Cour, apres le quels sadicte Maieste suivoit assistee de Messeigneurs le Duc de Guise, le Prince de Ioinuille, & autres grands, & en apres le Regiment de ses gardes suiuis & conduits des Capitaines, Lieutenans & port-enseignes.

Entrant en la ville elle fut saluce & applaudie d'vn nombre infiny de voix populaires & autres crians, VIVE LE Roy, iusques a l'étree du logis qui luy auoit esté preparé, & fort magnifiquement orné à la royalle pour y receuoir sadicte Ma.

iesté.

La Royne sa mere y arriua vn iour auparauant, auec Madame, assistee de Mesdames, la Princesse de Conty, les Duchesses de Guise, & de Neuers, Madame l'Admiralle & autres grandes Dames & Damoiselles de la Cour en grand nombre, qui curent & receurent le contentement de voir sadicte Maiesté entrant en triomphe, en ladicte ville de Bourdeaux : laquelle iamais ne se veit si peuplee de Noblesse comme elle se vit pour lors.


A peine y auoit il des logis à suffifance pour loger & accommoder le train & la suitte de la Cour, tant à la ville qu'ez fausbours.

C'est ce qui s'est passé de plus remarquable & memorable à l'entree de nostre trescher & souverian Monarque, que tout bon heur & toute gloire accompagne par toutou il se trouve: Dieu luy face la grace d'accomplir le reste de ses desseins & de venir au dessus de ses ennemis:ainsi le promettent les choses qui ont esté predictes, & annoncees de luy, nous asseurant qu'en son regne il sera aussi digne heritier des vertus d'Henry le Grand son pere, qu'il luy est successeur & heritier, de tous ses Estats, Royaumes & prouinces, & qu'il sera aussi redoutable à ses ennemis, que doux & misericordieux enuers tous ses bons & naturels subiects.

FIN

AV LECTEVR.

iours te faire part d'autres nouuelles, par le moyen de mes amys, qui sont en court, cependant prens celles cy, pour tesmoignage de ma bonne volonté, Prions tous Dieu qui luy plaise conseruer la santé du Roy, de la Royne sa mere & de Messieurs de son Conseil, affin que par leur moyen nous ayons la paix & tranquillité publique en ce Royaume, ce que i'expere dans peu de iours. A Dieu.
















SPECIAL

DC 123.8

MIT

1615

87-B

2547

THE GETTY CENTER IBRARY

